

初

潭

集

初潭集卷之十五

師友五

○一清言

○司馬建公嘗舉曹公爲北都尉後公進爵爲王召建
因公與歡飲語之曰孤今日可復作尉不建公曰昔舉
大王時乃可作尉耳建公司馬防也懿之父

○張君嗣在益州爲雍閭縛送與吳武侯遣鄧芝使吳
令言次從孫請裔裔自至吳流徙伏匿吳王未之知
故許芝遣裔臨發引見問曰蜀卓氏女亡奔相如貴

土風俗何以乃爾。裔曰：愚以爲卓氏寡女，猶賢於買臣之妻。初，雍閭送裔時，假鬼教曰：張府君如瓠壺外，雖澤而內實，麓不足殺也。

○曾有白頭鳥集吳殿前。吳王問羣臣：此何鳥也？諸葛元遜對云：此名白頭翁。張輔吳自以坐中最老，疑戲之，因曰：恪欺陛下，未嘗聞鳥名白頭翁者。試使恪復求白頭母。元遜曰：鳥名鸚母，未必有對。試使輔吳復求鸚父。張不能答。

○諸葛瑾爲豫州，遣別駕到臺，語云：小兒知談卿，可與。

語連往詣恪恪不與相見後於張輔吳坐中相遇別
駕喚恪咄咄郎君恪因嘲之曰豫州亂矣何咄咄之
有答曰君明臣賢未聞其亂恪曰昔唐堯在上四凶
在下答曰非唯四凶亦有丹朱於是一座大笑

邵真與虞俊鄰居真先不知俊俊至吳與張溫朱據
會清言竟日溫等重之於是吳中盛爲俊談真聞而
嘆曰吾與仲明遊居比屋不能甄其英秀播其風烈
而令他邦稱我之傑可以愧死矣

○知愧猶可愧卽不死也

○荀鳴鶴、陸士龍二人未相識，俱會張茂先坐。張令共語，以其並有大才，可勿作常語。陸舉手曰：「雲間陸士龍。」荀答曰：「日下荀鳴鶴。」陸曰：「既聞青雲覩白雉，何不張爾弓，布爾矢？」荀答曰：「本謂雲龍駸駸，定是山鹿野麋。獸弱弩彊，是以發遲。」張乃撫掌大笑。

○衛玠始渡江，見王、大將軍，大將軍命謝幼輿、玠見謝，甚說之，都不復顧。王遂達旦微言，王永夕不得豫。玠體素羸，恒爲母所禁。爾夕忽極於此，病篤遂不起。

○衛玠少有名理，王平子高氣不羣，邁世獨傲。每聞玠

之語議至於理會之間要妙之際輒絕倒於坐前後
三圖爲之三倒時人語曰衛君談道平子三倒

○王○安○期○去○官○東○渡○江○道○路○梗○澀○人○懷○危○懼○王○每○遇○艱
險○處○之○夷○然○雖○家○人○不○見○其○憂○喜○之○色○既○至○下○邳○登
山○北○望○歎○曰○人○言○愁○我○始○欲○愁○謝○太○傅○曰○當○爾○時○覺
形○神○俱○往○
真○真○

○王○戎○云○太○保○居○在○正○始○中○不○在○能○言○之○流○及○與○之○言
理○中○清○遠○將○無○以○德○掩○其○言○

○衛○洗○馬○初○欲○渡○江○形○神○慘○頓○語○左○右○云○見○此○茫○茫○不○

覺百端交集苟未免有情亦復誰能遣此

○○○孫子荆年少時欲隱語王武子當枕石漱流誤曰漱石枕流王曰流可枕石可漱乎孫曰所以枕流欲洗其耳所以漱石欲礪其齒

○○○庾法暢握麈尾至佳庾太尉曰此至佳那得在法暢曰當由廉者不求貪者不與故得在

○○○王丞相過江自說昔在洛水邊與裴成公阮千里諸賢共談道羊曼曰人久以此許卿何須復爾王曰亦不言我須此但欲爾時不可得耳

○衛伯玉爲尚書令見樂廣與中朝名士談議奇之曰
自昔諸人汲已來常恐微言將絕今乃復聞斯言於
君矣命子弟造之曰此人人之水鏡也見之若披雲
霧覩青天

○王澄語人曰彥國吐佳言如鋸木屑霏霏不絕誠爲
後進領袖

○支道林造卽色論論成示王中郎中郎都無言支曰
默而識之乎王曰旣無文殊誰能見賞

○道一道人好整飾音辭從都下還東山經吳中已而

會雪下未甚寒諸道人問在道所經一公曰風霜固所不論乃先集其慘澹郊邑正自飄瞥林岫便已皓然

○管公明與單子春談文采葩流枝葉橫生少引聖籍多發天然子春與羣士論難鋒起公明人人酬對言皆有餘子春語衆曰此年少言論正似司馬大人游獵賦何其磊落雄壯英神雋茂必能明天文地理變化之數不徒言也於是發聲徐州號爲神童

○初管輅父爲瑯琊卽丘長公明時年十五來至官舍

講學郡蠻太守單子春聞公明一蠻之雋請與相見
子春大會賓客百餘人公明曰府君名士加有雄貴
之姿輅旣年少膽未堅剛若欲相難懼失精神請先
飲三升清酒然後言之子春便酌三升清酒與飲酒
盡問曰今欲與輅相對者府君四坐之士耶子春曰
吾自與卿旗鼓相當輅言學問微淺未能上引聖人
之道陳秦漢之事但欲論金木水火土鬼神之情耳
子春言此至難而卿更以爲易耶於是唱大論之端
單稱嘆不已

諸名士共至洛水戲還樂令問王夷甫曰今日戲樂
乎王曰裴僕射善談名理混混有雅致張茂先論史
漢靡靡可聽我與王安豐說延陵子房亦超超玄著
快活真快活

王武子孫子荆各言其土地人物之美王云其地坦
而平其水淡而清其人廉且貞孫云其山崔巍以嵯
峨其水渾渫而揚波其人磊砢而英多

殷中軍爲庾公長史下都王丞相爲之集桓公王長
史王藍田謝鎮西並在丞相自起解帳帶麈尾語殷

曰、身今日當與君共談析理、旣共清言、遂達三更、丞相與殷共相往返、其餘諸賢略無所關、旣彼我相盡、丞相乃歎曰、向來語乃竟未知理源所歸、至於辭喻、不相負、正始之音、正當爾耳、明旦桓宣武語人曰、昨夜聽殷王清言、甚佳、仁祖亦不寂寞、我亦時復造心、顧看兩王掾、輒娶如生母狗馨、

○支道林、殷淵源俱在相王許、相王謂二人可試一交言、而才性殆是淵源、嶠函之固、君其慎焉、支初作、改轍遠之、數四交、不覺入其玄中、相王撫肩笑曰、此自

是其勝場安可爭鋒

○人有問殷中軍何以將得位而夢棺器將得財而夢矢穢殷曰官本是臭腐所以將得而夢棺屍財本是糞土所以將得而夢穢汚時人以爲名通

○旣是臭腐之物何以終日書空

康僧淵初過江未有知者恒周旋市肆乞索以自營忽往殷淵源許值盛有賓客殷使坐龕與寒溫遂及義理語言辭旨曾無愧色領略麤舉一往叅詣由是知之劉孝標曰僧淵疑是胡人沈約撰晉書亦稱其

有義學

○殷中軍問自然無心於稟受何以正善人少惡人多諸人真有言者劉尹答曰譬如寫水著地正自縱橫流漫略無正方圓者一時絕歎以爲名通

○此實語非名通

○○許掾嘗請簡文爾夜風恬月朗乃共作曲室中語襟情之詠偏是許之所長辭寄清婉有逾平日簡文雖契素此遇尤相咨嗟不覺造膝共叉手語達於將旦既而曰玄度才情故未易多有許

○謝太傅未冠始出西諸王長史清言良久去後荀子問曰向客何如尊長史曰向客塵塵爲來逼人

○孫安國往殷中軍許共論往反精苦客主無間左右進食冷而復煖者數四彼我奮擲麈尾悉脫落滿餐飯中賓主遂至莫忘食殷乃語孫曰卿莫作強口馬我當穿卿鼻孫曰卿不見決鼻牛人當穿卿頰人問撫軍殷浩談竟何如答曰不能勝人差可獻酬羣心

○謝鎮西少時聞殷浩能清言故往造之殷未過有所

通爲謝標榜諸義作數百語既有佳致兼辭條最甚足以動心駭聽謝注神傾意不覺流汗交面殷徐語左右取手巾與謝郎拭面

○王仲祖劉真長造殷中軍談談竟俱載去劉謂王曰淵源真可王曰卿故墮其雲霧中

○桓公少與殷侯齊名常有競心桓問殷卿何如我殷云我與我周旋久寧作我

○王長史與劉真長別後相見王謂劉曰卿更長進答曰此若天之自高耳語林曰仲祖語真長曰卿近大

進劉曰卿仰看邪王問何意劉曰不爾何由測天之高也

○謝胡兒語庾道季諸人莫當就卿談可堅城壘庾曰若文度來我以偏師待之康伯來濟河焚舟

○顧愷之矜伐過實諸年少因相稱譽以爲戲弄爲散騎常侍與謝瞻連省夜於月下長詠自云得先賢風致瞻每遙贊之愷之得此彌自力忘倦瞻將眠語愷脚人令代愷之不覺有異遂幾申旦而後止

○習鑿齒孫興公未相識同在桓公坐桓語孫可與習

參軍共語孫云蠢爾蠻荆敢與大邦爲讐習云薄伐獫狁至於太原

王子猷詣謝公謝曰云何七言詩子猷承問答曰昂昂若千里之駒汎汎若水中之鳧

王子敬語謝公公故蕭灑謝曰身不蕭灑君道身最得身正自調暢

簡文在殿上行右軍與孫興公在後右軍指簡文語孫曰此噉名客簡文顧曰天下自有利齒兒後王光祿作會稽謝車騎出出阿祖之王孝伯罷祕書丞在

坐謝言及此事因視孝伯曰王丞齒似不鈍王曰不鈍頗亦驗

○顧長康噉甘蔗先食尾人問所以長康云漸至佳境○
桓南郡與殷荊州語次因共作了語顧愷之曰火燒平原無遺燎桓曰白右纏棺豎旒旒殷曰投魚深淵放飛鳥次復作危語桓曰矛頭淅米劒頭炊殷曰百歲老翁攀枯枝顧曰井上轆轤卧嬰兒殷有一叅軍在坐云盲人騎瞎馬夜半臨深池殷曰咄咄逼人仲堪眇目故也

司馬太傅問謝車騎惠子其書五車何以無一言入
玄謝曰故當是其妙處不傳

王景文在太學與九江王阮齊名阮嘗曰聽景文談
如讀酈道元水經名川支渠貫穿周匝無有間斷咳
唾皆成珠璣

劉繪爲南康相郡人有居穢里者刺謁繪繪曰君有
何穢而居穢里應聲曰未審孔丘何闕而居闕里繪
嘆其辯速

張緒吐納風流聽者忘倦

○齊席毘清幹之士卑鄙文學嘲劉逖云君輩辭藻譬若榮華須臾之玩耳豈若干丈松常有風霜不可凋悴劉曰既有寒木又發春華何如席笑曰可矣

○李膺風性高簡每見符融輒絕它賓客聽其言論融幅巾奮裏談辭如雲膺每捧手嘆息

○稽含與二陸談覺詞少理暢言約事舉莫不豁然若春日之判薄冰秋風之掃枯葉

霍王元軌臨徐州與處士劉玄平爲布衣之友或問玄平王之所長玄平答以無長人問其故玄平曰夫

人有短所以見長

○蘇子瞻在黃州及嶺外每旦起不招客與語必自出訪客談諧放蕩略無畦畛有不能談者強之說鬼或辭無有則曰姑妄言之

○二嘲笑

○人問禰正平荀令君趙盪寇皆足蓋當世乎禰曰文若可借面吊喪穉長可使監厨請客意以荀但有貌趙健啖肉也

以荀有威容趙少食飲也

○嵇中散語趙景真卿瞳子白黑分明有白起之風恨
量小筵趙云尺表能審璣衡之度寸管能測徃復之
氣何必在大

○阮德如嘗於廁見鬼長丈餘色黑而眼大著皂單衣
平上幘去之咫尺德如笑語之曰人言鬼可憎果然
鬼赧愧而退

○諸葛令王丞相共爭姓族先後王曰何不言葛王而
云王葛令曰譬言驢馬不言馬驢

○魏長齊雅有體量而才學非所經初宦當出虞存嘲

之曰與卿約法三章談者死文筆者刑商略抵罪魏
怡然而笑

王劉每不重蔡公嘗問蔡曰公自言何如夷甫答曰
身不如夷甫王劉相目而笑曰公何處不如答曰夷
甫無君輩客

阮宣子有令聞太尉王夷甫問之曰老莊與聖教同
異曰將無同太尉善之辟爲掾故世謂之三語掾衛
玠嘲曰一言可辟何假於三宣子曰苟是天下人望
自可無言復何假一

崔正熊詣都郡都郡將姓陳問正熊君去崔杼幾世
答曰如明府之去陳恒

庾元規語周伯仁諸人皆以君方樂周曰樂毅邪庾
曰樂令耳周曰何乃刻畫無鹽唐突西子

劉遵祖少爲殷中軍所知稱之於庾公庾公忻然便
取爲佐旣見坐之獨榻上劉爾日殊不稱庾小失望
遂名之爲羊公鶴昔羊叔子有鶴善舞嘗向客稱之
客試使驅來種彘而不肯舞故以相比

桓豹奴是王丹陽外甥形似其舅桓甚諱之宣武云

不恒相似時似耳。恒似是形。時似是神。桓愈不說。

王大將軍在西朝時。見周侯。輒扇障面。不得住。後度江。不復爾。王嘆曰。不知我進伯仁。退沈約。晉書曰。周顗王敦素憚之。見輒面熱。雖復臘月。亦扇面不休。

阮光祿至都。不往殷劉許。過事便還。諸人相與追之。阮遄疾而去。劉尹時爲會稽。歎曰。我入當泊安石渚下。不敢復近。思曠傷伊。便能捉杖打人。不易。

劉尹云。人想王荆產佳。此想長松下。當有清風耳。

王仲祖聞蠻語不解。茫然曰。若使介葛盧來朝。故當。

不昧此語。春秋傳曰：介葛盧來朝，魯聞牛鳴曰：是生三犧，皆用之矣。其音云：問之而信。杜預注曰：介，東夷國葛盧，其君名。

符朗初過江，王咨議大好事，問中國人物及風土所生，終無極已。朗患之，次復問奴婢貴賤。朗云：謹厚有識中者，乃至十萬無意爲奴婢；問者止數千耳。裴景仁奏書曰：朗堅從兄堅爲慕容冲所圍，朗降謝玄，用爲員外散騎侍郎、吏部郎。王忱與兄國寶命駕詣之。沙門法汰問朗曰：見王吏部兄弟未？朗曰：非一狗面。

人心又一人面徇心者邪、怵醜而才國寶美而徇故也、朗常與朝士宴、時賢並用唾壺、朗欲夸之、使小兒跪而張口、唾而會出、

○謝鎮西書與殷楊州、爲真長求會稽、殷答曰、真長標同伐異、俠之大者、常謂使君降階爲甚、乃復爲之驅馳耶、

○孫長樂作王長史誄云、余與夫子交、非勢利、心猶澄水、同此玄味、王孝伯見曰、才士不遜亡祖、何至與此人周旋、

○孫綽賦遂初築室歆川自言見止足之分齋前種一
株松恒自手壅治之高世遠時亦鄰居語孫曰松樹
子非不楚楚可憐但永無棟梁用耳孫曰楓柳雖合
抱亦何所施

○孫興公道曹輔佐才如白地明光錦裁爲負販終非
無文采器無裁製

○支道林因人就深公買印山深公答曰未聞巢由買
山而隱

王子猷詣謝萬林公先在坐瞻矚甚高王曰若林公

鬚髮並全、神情當復勝此、不謝曰、唇齒相須、不可以偏亡、鬚髮何關於神明、林公意甚惡曰、七尺之軀、今日委君二賢、

王僧彌謝車騎共王小奴許集、僧彌舉酒勸謝云、奉使君一觴、謝曰、可爾、僧彌勃然起作色曰、汝故是吳興溪中釣碣、何敢譎張、謝徐撫掌而笑曰、衛軍僧彌殊不肅省、乃侵陵上國也、

衛江州在潯陽、有知舊投之、惟餉王、不留行、一斤、此人得餉、卽命駕、李弘範聞之曰、家舅刻薄、乃復驅使、

草木

○范啓與郝嘉賓書曰子敬舉體無饒縱掇皮無餘潤
郝答曰舉體無餘潤何如舉體非真者范性矜假多
煩故嘲之

○祖廣行恒縮頭詣桓南郡始下車桓曰天甚晴朗祖
叅軍如從屋漏中來

○桓南郡與殷荊州共談每相攻難年餘後但一兩番
桓自歎才思轉退殷云此乃是君轉解

○桓南郡每見人不快輒嗔云君得哀家梨當復不蒸

食不

謝靈運好戴曲。顧笠子曰。一。欲希心高遠何

不能。遺曲蓋之貌。謝答曰。將不畏影者。未能忘懷。

謝潘嘗與劉俊飲。推讓者久之。俊曰。謝莊兒不可云。

不能飲。潘曰。苟得其人。自可流湑。千日。俊大慙。

柳昂柳機在周朝俱歷要任。隋文帝受禪。並爲外職。

時楊素用事。因賜宴。戲語機云。二柳俱摧。機應聲答。

曰。不若孤楊獨聳。

王興道謂謝望蔡。霍霍如失。鷹師。

○殷淳與何晏共食淳羨盡晏曰益殷蕙羨晏司空無忌子也淳徐輟筯曰何無忌憚

○沈昭略嘗醉日晚負杖至婁湖苑遇王約張目視之曰汝是王約邪何乃肥而癡約曰汝沈昭略耶何乃瘦而狂昭略撫掌大笑曰瘦已勝肥狂又勝癡奈何王約奈汝癡何

○湘東王嘗遊江濱歎秋望之美劉諒對曰今日可謂帝子降於北渚王有目疾應曰卿言目眇眇而愁予耶

王融謂劉孝綽天下文章若無我當歸阿士袁淑亮
謝莊赤鸚鵡賦歎曰江東無我卿當獨秀

江祐嘗詣謝眺眺言有一詩已呼取旣而便停祐問
其故曰定復不急

徐常侍聘齊魏收錄其文集以示徐令傳之江左徐
濟江沉之曰吾爲魏公藏拙

有客姓吉詣何敬容問卿與邵吉遠近答曰如明公
之與蕭何

張融與尚書何戢善往詣戢誤通尚書劉澄下車入

門乃曰非是。至戶望澄，又曰非是。既造席，視澄曰：都自非是，乃去。

陸餘慶爲洛州長史，善論事而謬於決斷。時嘲之曰：說事卽象長三尺，判事則手重五斤。

王與爲僕射，劉祥與與子融同載行。至中途，值人驅驢，祥語之曰：驢汝好爲之，如汝人，才皆已令僕矣。

盛度體豐肥，一日自殿前趨出，宰相在後。盛初不知，忽見卽欲趨避，行百餘步，乃得直舍。石學士中立見其喘甚，曰：相公問否？盛曰：不問。別去十餘步，乃罵曰：

奴乃以我爲牛

范蔚宗臨刑時、妓妾來別、悲涕流漣、謝綜時亦同刑、
顧謂之曰、舅殊不同、夏侯色先是曄在獄、有詩曰、禍
福本無兆、性命畀有極、必至定前期、誰能延一息、豈
論東陵上、寧辨首陽側、雖無稽生琴、庶同夏侯色、寄
言生存子、此路行復卽、故綜以譏曄、宋書曰、曄意入
獄、便死、上窮治其獄、遂經一旬、曄更有生望、綜與熙
先笑曰、詹事在西池射堂上、躍馬顧盼、自爲一世之
雄、今擾攘畏死、乃爾耶、

江從簡是光祿華子，小時有文情，作採荷調以刺何敬容曰：「欲持荷作柱，荷弱不勝梁，欲持荷作鏡，荷暗本無光。」敬容不覺唯歎其工。

劉晝作六合賦，自謂絕倫，以呈魏收。收曰：「賦名六合，已是大愚文，又愚於六合。」君四體又甚於文，晝大忿，以示邢子才。子才曰：「君此賦正似疥騾，駝伏而無斌媚。」

劉季和性愛香，嘗廁還輒過香爐上，主簿張坦曰：「人名公作俗人，不虛也。」季和曰：「荷令君至人家坐席三。」

日香坦曰醜婦效顰見者必走公欲坦遁走耶後徐鉉遇月夜露坐中庭必爇香一炷所親亦私號伴月香

庾信至北惟愛溫子昇寒山寺碑後還南人問北方人物信曰惟寒山寺一片石堪共語耳

沈深見王儉詩曰王令文章大進丘靈鞠曰何如我未進時

許敬宗性輕傲見人多忘之或謂其不聰曰卿自難記若遇曹劉沈謝暗中摹索著亦可識

杜審言將死語宋之問武平一曰吾在父壓公等今且死固大慰但恨不見替人登封中蘇昧道爲天官侍郎審言預選試判訖謂人曰味道必死人問其故審言曰見吾判自當羞死

武后時裏行御史聚立門內有令史不下驢衝過其間諸御史大怒將杖之令史云今日之過實在此驢乞數之然後受罰謂驢曰汝伎藝可知精神極鈍何物驢畜敢於御史裏行於是衆羞赧而止

貞觀中尚藥奏求杜若敕下度支有省郎以謝朓詩

云芳洲生杜若乃委坊州貢之本州曹官判云坊州不生杜若應由讀謝眺詩誤華省名郎作此判事豈不畏二十八宿笑人邪太宗聞之改授雍州司法韓愈嘗語李程曰崔丞相直是聰明過人李曰何處是過人者答曰共愈往還二十餘年不曾說著文章陳亞性滑稽知潤州幕中有上官弼爲亞所親任滿將去亞曰何以教我弼曰郎中才行無玷但調謔過差亞曰君乃上官弼也如下官口何弼笑而去蔡君謨戲陳亞曰陳亞有心終是惡陳應聲曰蔡襄

無口便成衰。

○劉貢父王汾同在館中，汾病口吃，貢父贊曰：「恐是昌家，又疑非類，未聞雄名，只有艾氣。」

○蘇長公在惠州，天下傳其已死，後七年北歸，時章丞相方貶雷州，東坡見南昌太守葉祖洽，葉曰：「世傳端明已歸道山，今尚爾遊戲人間。」邪東坡曰：「途中見章子厚，乃回反耳。」

○長公在維揚，一日設客米，元章亦在坐，酒半，元章忽起立，自贊曰：「世人皆以芾爲顛，願質之子瞻公笑答。」

曰吾從衆海岳遺事曰元章以書抵蔡京訴其流落
且言舉室百指行至陳留獨得一舟如許大遂盡一
艇於行間京見而哂焉時謂其顛而米又歷訴諸執
政故世傳米老辨顛帖

秦太虛爲御史賈易所彈以謁告寫佛書爲罪張文
潛戲之曰千餘年前賈生過秦今復爾也聞者以爲
佳

梟逢鳩鳩曰子將安之梟曰我將東徙鳩曰何故梟
曰鄉人皆惡我鳴以故東徙鳩曰子能更鳴可矣不

卷之十五
能更鳴東徒猶惡子之聲

初潭集卷之十五

初潭集卷之十六

師友六

○一山水

地有四遊、常動而不止、譬如人在大舟中、閉牖而坐、舟行不覺也。

余亦曾言之、人不信也。

孟門始經禹鑿、河中漱廣、夾岸崇深、傾崖返棹、巨石臨危、若墜復倚、古之人有言、水非石鑿而能入石、信哉、其中水流交衝、素氣雲浮、往來遙觀者、常若霧露

沾人窺深悸鬼其水尚崩浪萬尋縣流千丈渾洪轟
怒鼓若山騰濤波顏疊迄於下口方知慎子下龍門
流浮竹非驪馬之追也

河津一名龍門巨靈迹猶存去長安九百里懸水下
注龜魚之屬莫能上江海大魚集門下不得上上卽
爲龍故云暴腮龍門垂耳轅下

趙德麟曰王仲至謂余云吾嘗奉使過仇池有九十
九泉萬山環之可以避世如堯源

有龍泉出允街谷泉眼之中水文成蛟龍或試撻破

之尋平、成龍畜生、將飲者皆畏辟而走、謂之龍泉。

四明山、高峰軼雲連岫、蔽日。

鑑湖、會稽太守馬臻所開、東西二十里、南北數里、縈帶郊郭、白水翠巖、互相映發、有若圖畫。王逸少云：從山陰路上行，如在鏡中遊。

會稽境特多名山水。峰嶸隆峻，吐納雲霧，松栝楓栢，擢幹竦條，潭壑鏡徹，清流寫注。王子敬見之曰：山川之美，使人應接不暇。若秋冬之際，尤難爲懷。

廬山者，雖林石異勢，而雲霞共色。長風暴作，則萬流

俱響晨颺曉吟則百嶺齊應東瞻洪井識曳帛之在
茲西望石梁見指寶之可拾

三峽長七百里兩岸連山略無絕處重巖疊障隱天
蔽日高猿長嘯屬引清遠

安公叢春亭可望洛水蓋洛水自西洶湧奔激而東
天津橋者疊石爲之直方濬其怒而納之洪下洪下
皆大石底與水爭噴薄成霜雪聲聞數十里嘗窮冬
月夜登此亭聽洛水聲久之覺清冽侵入肌骨不可
留也

○李固與弟書、固今年五十有七、鬢髮已白、所謂容身而遊、滿腹而去、周觀天下、但未見益州耳、昔嚴夫子有言、經有五涉、其四州有九遊、其八欲類此子矣、

○羊太傅好山水、每風景必造峴山、置酒言詠、終日不倦、嘗慨然嘆息、顧謂從事中郎鄒湛曰、自有宇宙、便有此山、由來賢達勝士、登此遠望、如我與卿者、多矣、皆湮滅無聞、使人悲痛、如百歲後有知、吾鬼鬼猶應登此、

○荀中郎在京口、登北固望海云、雖未覩三山、便自使

人有凌雲意若秦漢之君必當褰裳濡足

○逸少與人書頃小差欲極遊目之娛而吏卒守之可
歎東陽花果自小可何日得卿諸人

○王司州至吳興印渚中看歎曰非惟使神情開滌亦
覺日月清朗

○顧長康從會稽還人問山川之美顧云千崖競秀萬
壑爭流草木蒙籠其上若雲興霞蔚

○許掾好遊山水而體便登陟時人云許非徒有勝情
實有濟勝之具

○謝中郎經曲阿後湖問左右此是何水答曰曲阿湖
謝曰故當淵注渟渟納而不流

○謝玄與兄書居家大都無所爲正以垂綸爲事足以
永日北固山下大有鱸魚一出手釣得四十九枚

○謝靈運與弟書聞惡谿道中九十九里有五十九灘
王右軍遊此惡道歎其奇絕遂書笑星灝於石後李
白有詩云遠尋惡谿去不憚惡谿惡途開李北海灘
聞謝康樂

○袁粲爲丹陽尹郡南一家頗有竹石粲徒步往不通

主人直造竹所、主人出笑語歡然、俄而車騎羽儀併至、方知是袁尹、又嘗步履白楊野間、道過一士大夫、呼與酣飲、明日此人謂被知、到門求進、桀曰、昨飲酒無偶耳。

○謝孺子善聲律、與王車騎張宴桐臺、孺子吹笙、王自起舞、旣而歎曰、真使人飄飄有伊洛間意。

王云、周太子晉好吹笙、遊伊洛、遇浮丘公成仙、王意飄飄欲仙也。

○淵明嘗聞田間水聲、倚杖聽之、嘆曰、暮春已秀、翠色

染人時剖胸襟一洗荆棘此水過吾師丈人矣

焦光仲遜共遊陸渾時春和景妍遜謂光曰冥冥花樹攪人離思故唐詩云飛花攪獨愁

郗詵數月山行喜聞樵語牧唱曰洗盡五年塵土腸胃欣然倚驂臨水久之乃去

孔珪不樂世務門庭之內草萊不剪中有蛙鳴或問欲爲陳蕃乎笑曰我以此當兩部鼓吹豈爲蕃也

宗少文好山水西涉荆巫南登衡嶽因結室衡山以疾還江陵歎曰老病俱至名山恐難徧觀惟當澄懷

觀遊臥以遊之凡所遊履皆圖之於室謂人曰撫琴
動操欲令衆山皆響

奇

○庾詵性託夷簡特愛林泉十畝之宅山澤居半

王維輞川室宇既廣山林亦遠而性好溫潔不容浮
塵日有十數掃飾專使兩童縛帚猶時不給也

○摩詰與裴迪書曰近臘月下景氣和暢故山殊可過
足下方溫經猥不敢相煩輒便往山中憇感配寺與
山僧飯訖而去北涉玄灊清月映郭夜登華子岡輞
水淪漣與月上下寒山遠火明滅林外深巷寒犬吠

聲如豹村墟夜春復與疎鐘相間此時獨坐簾幃靜
默多思曩昔攜手賦詩步仄徑臨清流也當待春中
草木蔓發春山可望輕鯨出水白鷗矯翼露濕青皋
麥隴朝雉斯之不遠倘然從我遊乎

○眉州象耳山有李白留題云夜來月下卧醒花影零
亂滿人襟袖疑如濯魄於冰壺也

○李太白登華山落鴈峯曰此山最高呼吸之氣想通
帝座恨不携謝朓驚人詩來搔首問青天耳

○柳子厚云上高山入深林窮迴溪幽泉恠石無遠不

和道集卷之六
到到則披草而坐、傾壺而醉、醉則更相枕以臥、意有所極、夢亦同趣。

○劉伯壽洛陽九老中人、築室嵩山下、每登松頂、回則於峻極中院、記其歲月、捐館之年、記云、余今年若干歲、登頂七十四次矣、後王輔道與其孫之靜共游、至峻極中院、作一絕云、爛紅一點出浮漚、夜坐嵩峰頂上頭、笑對松窓談祖德、當年七十四回遊。

○李贊皇作相、有親知奉使京口、贊皇曰、金山泉楊子江中、冷水各置一壺、其人舉棹忘之、至石頭乃汲一

瓶歸獻李飲之曰江南水味變矣此何似建業石頭城下水也

錢文僖守西都謝希深歐陽永叔同在幕下一日遊嵩山自潁陽歸暮抵龍門香山雪大集登石樓望都城各有所懷忽於煙靄中見車馬渡伊水則文僖遣厨傳歌伎來到因傳語曰山行良佳少留龍門賞雪無遽歸也清波雜志曰思公貶漢東王文康公曙代爲留守訝幕客好遊曰君等自比寇萊公何如萊公坐奢縱取禍永叔取手板起立曰萊公之禍不在杯

酒在老不知退耳文康年老爲之動

謝絳書曰近詔書遣告嵩嶽讀祝捧幣府以歐陽永叔楊子聰分攝會尹師魯王幾道至是時秋清日陰晚花幽草虧蔽巖壁正當人力清壯加有朋簪談燕之適升高躡險氣豪心果道徑差平則腰輿以行嶮嶮斗甚則芒蹻而進抵峻極上院躋封禪壇下瞰羣峰乃向所跂望謂非插翼不可到者皆培塿焉邑居樓觀人物之夥視若蟻壤又尋韓文公所謂石室詣盡東峰頂夕宿頂上露下冷透骨髮明日訪歸路出

登封西門道、潁陽縱望太室、觀少室之美、訪石堂紫雲、題名十有四處、自長夏門入、繞崧轅一匝、四百里、可謂窮極勝覽矣、今旣還府、便有塵事侵汨、急寫奉報、以代一夕之談、

○章惇字子厚、浦城人、嘗與蘇軾遊南山、抵仙遊潭、下臨萬仞、橫木其上、惇平步過之、濡筆書壁、神彩不動、軾曰、君他日必能殺人、

○子瞻曰、元豐二年秋後一日、余自吳興道杭、東還、會稽龍井、有辯才大師、以書邀余入山、比出郭、日已夕、

航湖至普寧、遇道人參寥、問龍井所造、藍輿則曰、以
不時至去矣。是夕、天宇開霽、林間月出、可數毫髮、遂
棄舟、從參寥杖策並湖而行、出雷峰、度南屏、濯足於
惠因澗、入靈石塢、得支徑、上風篁嶺、憩於龍井亭、酌
泉、投石而飲之、自普寧凡經佛寺十五、皆寂不聞人
聲、道傍廬舍、或燈火隱顯、草木深蓊、流水潺潺、悲鳴
殆非人間之境、行二鼓矣、始至壽聖院、謁辯才于潮
音堂、明日乃還。

○子瞻云、元豐三年夏六月、過廬山、涉其山之陽、入棲

賢谷谷中多大石、岷嶺相倚、水行石間、其聲如雷霆、如千乘車行者震掉、不能自持、雖三峽之險、不過也、故其橋曰三峽渡、橋而東、依山循水、水平如白練、橫觸巨石、匯爲大車輪、流轉洶湧、窮水之變、院據其上、游右倚石壁、左俯流水、石壁之趾、僧堂在焉、狂峰恠石、翔舞於簷上、松杉竹箭橫生、倒植、蔥菁相糾、忽大風雨至、堂中之人疑將厭焉、問於習廬山者曰、雖茲山之勝、棲賢蓋一二數矣、

又云、今日遊白水、佛跡山、山上布水、三十仞、雷輓電、

散未易名狀大略如項羽破章邯時也

○又云元豐六年十月十一日夜解衣欲睡月色入戶欣然起行念無與樂遂至承天寺尋張懷民懷民亦未寐相與步於中庭庭中積水空明水中藻荇交橫蓋竹栢影也何夜無月何處無竹栢但少閒人如吾兩人耳

○又云暮夜月明獨與邁乘小舟至絕壁下大石側立千仞如猛獸奇鬼森然欲搏人而山上棲鵲聞人聲亦驚起磔磔雲霄間又有若老人歎且笑於山谷者

或曰此鸛鶴也。余方心動欲還而大聲發於水上。噌
吰如鐘鼓不絕。舟人大恐。徐而察之。則上下皆石穴
罅。不知其淺深。微波入焉。涵澹澎湃而爲此也。舟回
至兩山間。將入港口。有大石當中流。可坐百人。空中
而多竅。與風水相吞吐。有窾坎鏗鏘之聲。與向之噌
吰者相應。如樂作焉。

蘇子美答韓持國曰。比伏臘稍足。居室稍寬。無應接
之勞。耳目清曠。三商而眠。高春而起。靜院明窓。羅列
圖書。有興則汎小舟。出盤閭二門。吟嘯覽古於江山。

之間、渚、茶、野、釀、足、以、消、憂、蓴、鱸、稻、蟹、足、以、適、口、又、多、高、僧、隱、君、子、佛、廟、絕、勝、家、有、林、園、珍、花、奇、石、曲、池、高、臺、魚、鳥、留、連、

米、元、章、守、漣、水、地、接、靈、壁、蓄、石、甚、富、一、一、品、目、入、玩、則、終、日、不、出、楊、次、公、爲、察、使、正、色、言、曰、朝、廷、以、千、里、付、公、那、得、終、日、弄、石、都、不、省、錄、郡、事、米、徑、前、於、左、袖、中、取、一、石、嵌、空、玲、瓏、峯、巒、洞、穴、皆、具、色、極、清、潤、宛、轉、反、覆、以、示、楊、曰、如、此、石、安、得、不、愛、楊、殊、不、顧、乃、納、之、袖、又、出、一、石、疊、嶂、層、巒、奇、巧、又、勝、又、納、之、袖、最、後、出、

一石盡天劃神鏤之巧顧楊曰如此石安得不愛楊
忽曰非獨公愛我亦愛也卽就米手攫得之徑登車
去石林燕語曰黃知無爲軍初入州廨見立石頗奇
卽命取袍笏拜之每呼曰石丈

二隱逸

延陵季子遊於齊見遺金於路呼牧者取之牧者曰
何子居之高而視之下也類君子而田野也有君不
臣有友不友當暑衣裘吾豈取金者乎季子知其賢
請問姓名牧者曰子皮相之士何足語姓字哉

應曜隱於淮陽山中、與四皓俱徵、獨不至、時人語曰、商山四皓不如淮陽一老、李卓吾曰、淮陽一老不及商山四皓、四皓羽翼太子、功德無比矣、

○漢王玄隱侯山、景帝再徵不屈、就其山封侯、因名侯山、宋之問詩、王玄拜隱侯、荆公草堂懷古詩、周顒宅作阿蘭若、婁約身歸宰堵波、他日隱侯身亦老、爲尋陳迹到煙蘿、用此、

○嚴子陵與侯司徒書曰、君房足下、位至鼎足、甚善、懷仁輔義、天下悅、阿諛順旨、腰領絕、侯得書、封奏之帝、

笑曰此狂奴故態也皇甫謐高士傳曰霸使西曹屬
侯子道奉書光不起於床上抱膝發書讀訖問子道
曰君房素癡今爲三公寧小差否遣卿來何語子道
傳霸語光曰卿言不癡是非癡語也子道求報書光
曰我不能書口授使者使者嫌少光曰買菜乎求益
也

嚴遵賣卜於成都市日得百錢自給則閉肆下簾富
人羅冲爲具車馬衣糧君平曰吾非不足也子奈何
以不足而助有餘冲曰吾有萬金子無儋石何云有

餘君平曰不然吾宿子家人定而役未息晝夜汲汲未嘗有足今我以上爲業不下床而錢自至猶餘數百不知所用此非我有餘而子不足乎君平嘗嘆曰益我貨者損我神生我名者殺我身

8 向子平讀易至損益卦喟然嘆曰吾已知富不如貧貴不如賤但不知死何如生耳嫁娶畢敕斷家事云當如我已死與同好禽子夏俱遊五嶽名山不知所終

蔣元卿舍中三徑唯羊仲求仲從之遊二仲皆拙廉

逃名之士

○安帝以玄纁羔幣聘周燮及南陽馮良宗族皆勸之
出曰夫修德立行所以爲國自先世以來勲寵相承
君何獨守東園之陂乎燮曰吾旣不能隱處巢穴追
綺季之迹而猶顯然不遠父母之國斯固以擗泥揚
波同其流矣夫修道者度其時而動動而不時焉得
亨乎

○桓帝嘗徵姜肱不至乃下彭城使畫工圖肱形狀肱
卧聞室以被韜面言感眩疾不敢出風王竟不得見

之

與其卧閭室孰若處溷穢與其感眩疾孰若長如風

王君公遭亂不去僧牛自隱時人爲之語曰避世墻東王君公

襄漢隱者躬耕數畝因古塚爲亭亭柱間書一絕云塚上爲亭鬼莫嗔塚頭人卽塚中人恐人告我謀風水願到冥司作證鄰

鄰尚書常稱謝慶緒識見雖不絕人可以不累心處都

盡檀道鸞續晉陽秋曰謝敷會稽人崇信釋氏先人
太平山隱居以母老還南山若邪初月犯少微占云
處士當之時戴逵居剡交游貴盛先敷著名時人憂
逵俄而敷死故會稽人士以嘲吳人云吳中高士便
是求死不得

郗超每聞高尚隱退者輒爲辦百萬資并爲造立居
宇在剡爲戴公起宅甚精戴與所親書曰近至剡如
官舍郗爲傳約亦辦百萬資傳隱事差互故不果

○予無人趕逐幸矣

○許玄度隱永興南幽穴中每致四方諸侯之遺或謂
許曰嘗聞箕山人似不爾許曰筐篚苞苴故當輕於
天下之寶耳
妙言

○袁粲每經傳昭戶嘆曰經其戶寂若無聲披其室其
人斯在豈非名賢

○仲長子光隱居北渚守令至者皆親謁子光辭以瘖
疾未嘗交言著獨遊頌河渚先生傳以自喻識者知
其懸解人也有請道者劒書老易二字示之王無功
愛其貞素徒與相近

王無功有田在河渚間、奴婢數人、自課種黍、春秋釀酒、養鳧鴈、蒔藥草、自供與仲長子光遊北山東臯、故著書自號東臯子、

齊高卽位、遣王杲之以手敕諭何胤、謝朓、杲之先至、胤所胤恐、朓不出、乃下床跪受詔書、及杲之從朓所還、胤知朓已出、乃謂之曰、吾年五十七、月食四斗米、不盡、豈復有宦情乎、杲之不能答胤、反謂曰、卿何不遣傳詔拜表、留與我同遊耶、杲之愕然曰、古不聞此、例曰、檀弓兩卷、皆言物始、何必有例、趣。

○庾杲之清貧食唯有韭薤藠韭生韭雜菜任昉戲之
曰誰謂庾郎貧食鮭常有二十七種

梁武徵弘景弘景畫兩牛一散放水草間一著金籠
頭有人執繩以杖驅之帝笑曰此人欲學曳尾之龜
矣

○梁武帝與何點有舊及踐祚手詔論舊賜以鹿皮巾
召見華林園欲用之爲侍中點以手捋帝鬚曰乃欲
臣老子邪 足加帝腹

○王敬弘居舍亭山林澗周環備登臨之美時人謂之

王東山、宋文帝問爲政答曰、天下有道、庶人不議、上高其言、

○王儉問周顒、卿山中何所食、曰、赤米、白鹽、綠葵、紫蓼、文惠太子問菜食何味最曰、春初、早韭、夏末、晚菘、

○梁邵陵王以書二萬卷付馬樞、樞肆志尋覽、乃喟然歎曰、吾聞貴爵位者、以巢、由爲桎梏、愛山林者、以伊、呂爲管、廬、束名實、則芻芥、柱下之言、翫清虛、則糠粃、席上之說、稽之篤論、亦各從其好也、乃隱茅山、至到之言、

八關文衍爲散騎常侍畫九華山圖於白綾半臂號九華半臂自云令吾此身常在雲泉之內

○上虞江有一處名三石頭王弘之常垂綸於此或問漁師得魚賣否答曰釣亦不得得亦不賣日夕載魚入上虞郭經親故門各以一兩頭置門內而去沈約宋書曰王弘之字方平謝靈運顏延之並相欽重靈運與廬陵王義真賤曰會稽境既豐山水江左嘉遁並多居之但季世慕榮幽棲者寡或復才爲時求弗獲從志若王弘之拂衣歸耕踰歷三紀孔淳之隱約

窮岫自始迄今阮萬齡辭事就閒纂成先業既遠同
義唐亦激貪厲競殿下愛素好古若遺一介有以相
存可謂千載盛美也

○阮孝緒所居以一鹿牀爲精舍竹樹環繞任昉尋其
兄履之欲造而不敢望而歎曰其室則適其人甚遠
○王思遠立身簡潔諸客請已者覘知衣服垢穢卽便
不前形儀新楚乃與促膝及去後猶令二人交帚拂
其坐處

○會稽孔珪家列植桐柳多構山泉衡陽王鈞往遊珪

曰、殿下處朱門、遊紫闥、詎得與山人交耶、答曰、身處朱門、而心遊江海、形入紫闥、而意在青雲、珪美之、

南陽宗少文、嘉遁江湖之間、援琴作金石、弄遠山、皆與之同聲、孫茂深有祖風、當時貴人欲與之遊、不得、乃使陸探微畫像、挂壁觀之、聞其愛香、作香饋之時、謂少文、大宗茂深、小宗故傳、小宗香云、

張永爲吳興、沈鱗士聞郡後、有佳山水、乃以請往、停數月、張欲用爲功曹、沈曰、明府德履冲素、留心山谷、民是以被褐負袂、忘其疲病、必欲飾混沌、以峨眉冠、

越客於文冕走雖不敏未敢聞命也

天隨生宅荒少墻壁隙地前後但植杞菊至夏校葉老梗氣味苦澀猶責僮兒采掇人言千乘之邑好事之家日欲擊鮮爲具以飽君君獨閉關不出何也天隨生笑曰我幾年來忍饑誦經豈不知屠沽兒有酒食耶

田游巖顯召不出高宗幸嵩山親至其門游巖野服出拜儀止謹樸帝問先生比佳否游巖對曰臣所謂泉石膏肓煙霞痼疾

師正居嵩山逍遙谷高宗召問所須師正對曰臣
所須者茂松清泉山中不乏

○張志和婺州人母夢楓生腹上而產志和居江湖自
稱烟波釣徒所著有玄真子李德裕稱之曰隱而有
名顯而無事不窮不達嚴光之比
○非但會狀志和亦且深識嚴光

○張志和築室越州東郭陳少游表其居曰玄直坊爲
買地大其閤號回軒巷先是門阻流水無梁少游又
爲構之號大夫橋陸羽嘗問孰爲往來志和曰太虛

爲室明月爲燭與四海諸公共處未嘗少別
○真假道學臉皮三寸太虛爲室屍骸暴露

○陸羽字鴻漸不知所生有僧得諸水濱既長以易白
筮得蹇之漸曰鴻漸於陸其羽可用爲儀乃以陸爲
氏而名字之隱苕溪自種桑苧翁閑門著書或獨行
野中誦詩擊木徘徊不得意則慟哭而歸

○盧藏用初隱終南少室二山時有意當世人目爲隨
駕隱士○晚年乃徇權利司馬承禎將還山藏用指終
南曰此中大有佳處承禎徐曰以僕視之仕宦之捷○

徑耳

○司空圖、虞鄉人，隱居中條山王官谷。昭宗召拜兵部侍郎，會遷洛陽，柳璨希賊意，誅天下才望，詔圖入朝。圖陽墮笏，意趣野老。璨知無意於世，乃聽還。

○三湯社

○茶有九難：陰采，夜焙，非造也；嚼味嗅香，非別也；膏薪，庀炭，非火也；飛湍壅潦，非水也；外熟內生，非炙也；碧粉，纒犀，非末也；操艱攪遽，非煮也；夏興冬廢，非飲也；賦鼎腥醢，非器也。

○王肅初入魏不食酪漿唯渴飲茗汁一飲一斗人因號爲漏卮後與高祖會乃食酪粥高祖恠之肅言唯茗下中與酪作奴因此又號茗飲爲酪奴

○和凝在朝率同列遞日以茶相飲味劣者有罰號爲湯社建人亦以圖茶爲茗戰

○陸鴻漸嘗論說茶之功效并煎茶煮茶之法造茶具二十四事以都統籠貯之遠近傾慕好事者家藏一副

○陸羽著茶經常伯熊復著論而推廣之李季卿宣慰

江南至臨淮知伯熊善茶乃請伯熊伯熊著黃帔衫
烏紗幘手執茶器口通茶名區分指點左右刮目茶
熟李爲歡兩杯既到江外復請鴻漸鴻漸衣野服隨
茶具而入如伯熊故事茶畢季卿命取錢三十文酬
博士鴻漸夙遊江介通狎勝流遂收茶錢茶具雀躍
而出旁若無人

○張又新前茶水記曰御史李季卿刺湖州至維揚逢
陸處士卽有傾蓋之雅因過揚子驛曰陸君茶天下
聞名矣揚子南零水又殊絕可命軍士深詣南零取

水○餓○而○水○至○陸○曰○非○南○零○者○傾○至○半○遽○曰○止○是○南○零○
矣○使○者○乃○吐○實○李○與○賓○從○皆○大○駭○李○因○問○歷○處○之○水○
陸○曰○楚○水○第○一○晉○水○最○下○因○命○筆○口○授○而○次○第○之○
○覺○林○院○僧○志○榮○收○茶○爲○三○等○待○客○以○驚○雷○莢○自○奉○以○
○萱○華○帶○供○佛○以○紫○茸○香○蓋○最○上○以○供○佛○而○最○下○以○自○
奉○也○客○赴○茶○者○皆○以○油○囊○盛○餘○瀝○而○歸○

○建○安○能○仁○院○有○茶○生○石○縫○間○僧○采○造○得○茶○入○餅○號○石○
巖○曰○以○四○餅○遺○蔡○襄○以○四○餅○遺○王○內○翰○禹○玉○歲○餘○蔡○
被○召○還○闕○過○禹○玉○禹○玉○命○子○弟○於○茶○筒○中○選○精○品○碾○

南齊書卷之二十一
以待茲祭捧茶未嘗輒曰此極似能仁石巖白公何
以得之禹王未信索貼驗之果然

初潭集十六卷終